

**VENDIM**  
**Nr. 65, datë 27.1.2016**

**PËR DISA SHTESA DHE NDRYSHIME NË VENDIMIN NR. 47, DATË 16.1.2008, TË KËSHILLIT TË MINISTRAVE, "PËR PROGRAMIN E NXITJES SË PUNËSIMIT, NËPËRMJET FORMIMIT NË PUNË", TË NDRYSHUAR**

Në mbështetje të nenit 100 të Kushtetutës, dhe të neneve 4 e 8, të ligjit nr. 7995, datë 20.9.1995, "Për nxitjen e punësimit", të ndryshuar, me propozimin e ministrit të Mirëqenies Sociale dhe Rinisë, Këshilli i Ministrave

**VENDOSI:**

Në vendimin nr. 47, datë 16.1.2008, të Këshillit të Ministrave, të ndryshuar, bëhen këto shtesa dhe ndryshime:

1. Në pikën 1 bëhen shtesa dhe ndryshimi i mëposhtëm:
    - a) Pas fjalës "... financon ..." shtohen fjalët "... tarifën me bazë koston, në masën 19 000 (nëntëmbëdhjetë mijë) lekë për çdo muaj trajnim për çdo person ...".
    - b) Shkronjat "a" dhe "b", shfuqizohen.
  2. Në pikën 4 fjalët "... mësimi profesioni, ..." zëvendësohen me fjalën "... punë ...".
  3. Pika 6 shfuqizohet.
  4. Në shkronjën "b", të pikës 9, fjalët "... jo më shumë se 50 ..." zëvendësohen me "... deri në 100 ...".
  5. Në shkronjën "d", të pikës 10, fjalia "Bëjnë përjashtim nga ky rregull personat juridikë/fizikë, të cilët kanë detyrime ndaj organeve tatimore, por në momentin e aplikimit në këtë program: ..." zëvendësohet me "Për personat juridikë apo fizikë, të cilët kanë detyrime ndaj organeve tatimore, por vërtetojnë se në momentin e aplikimit në këtë program: ...".
  6. Në pikën 14 bëhen ndryshimi dhe shtesa e mëposhtme:
    - a) Në shkronjën "b", fjalët "... punëdhënësit, që kanë jo më shumë se 50 persona të punësuarish dhe të trajnuarish ..." zëvendësohen me "... personat fizikë ...".
    - b) Pas shkronjës "b" shtohet shkronja "c", me këtë përmbajtje:

"c) Drejtoria e Përgjithshme e Shërbimit Kombëtar të Punësimit miraton projektet, kur aplikues janë personat juridikë."
  7. Në pikën 16, pas emërimit "... Shërbimit Kombëtar të Punësimit ..." shtohen fjalët "... pas hedhjes në sistemin përkatës, ...".
  8. Në pikën 18, fjalët "... zyra përkatëse të punësimit ..." zëvendësohen me emërtimin "... Shërbimit Kombëtar të Punësimit ...".
  9. Pika 19 ndryshohet, si më poshtë vijon:

"19. Punëdhënësi dhe punëkërkuksi, si punëmarrës, nënshkruajnë një kontratë individuale pune, në të cilën përcaktohen të drejtat dhe detyrimet e palëve, sipas përcaktimeve të bëra në ligjin nr. 7961, datë 12.7.1995, "Kodi i Punës i Republikës së Shqipërisë", të ndryshuar, dhe në këtë vendim."
- Ky vendim hyn në fuqi pas botimit në Fletoren Zyrtare.

**KRYEMINISTRI**  
**Edi Rama**